

# أبو شنب وكلامه الذهب

للشاعر / أحمد ابو شنب



إصدارات دار الحسيني للطباعة والنشر والتوزيع

اسم الكتاب: احمد أبو شنب وكلامه الذهب

اسم المؤلف: أحمد أبو شنب

رقم الايداع: 2019/14965م

ترقيم دولي: 4-40-6663-977-978

### حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته

في نطاق استعادة المعلومات أو نقله أي شكل من الأشكال

المعروفة حالياً أو التي ترد مستقبلاً دون إذن خطي مسبق

المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت: 27304004

قام بالتنسيق الشاعر عادل عبد الموجود

## إهداء

الى من أثروا فيّ وأثرت فيهم , الى روح أبى وأمى....

وضديقى المرحوم شوقى بكر..والراحل ممدوح عبد الحلیم

الى أرق من فى عالمى زوجتى وبناتى .

أحمد أبو شنب



## أبو شنب وكلام من ذهب

أبويا كان حنين طيب ولين

كان قلبه حنة من ذهب

قاللى كلام فيه العجب

كلام من ذهب

حلى لسانك وامسك لجامك

ف عز الغضب

خد بالك من كلامك

بكلمة حلوة تطفى اللهب

خليك زى النخل عالى

يحدفوه ينزل رطب

عليك بالتقوى والجا ليه

هو خير من يحتسب

خلى تكالك كله عليه

رب كريم من فضله وهب

مهما طال العمر يا ولدى

العبرة بما كسب

سيب الظالم بظلمه

يا بخت من احتسب

خد ربك وكيلك دليلك

لا تقولى جاه ولا نسب

ارضى تملى يا ابنى بامرہ

القدر خلاص وانكتب

اوصل اهلك وناسك

اوعى عنهم تحتجب

بات ليلك يا واد مغلوب

اوعى تكون من غلب

ابواب الجنة مفتوحة

خليك اول من رغب

خليك حقانى اوعى تجور على الثانى

دا انت فانى ابن فانى

اوعى تكون للنار حطب

مد بايدك للمحتاج

كله ياواد راح ينكتب

قدم خيرك واسعد غيرك

تملى تكون للسعد سبب

قول الحق ولو حاتموت

اصل النار لمن كذب

ده كان ابويا يا خلق الله

قلبه حنة من ذهب

سابنى وذهب

وكل اللى فى من خير

## خليك شاطر

خليك شاطر إلحق ذاكر

خلي لسانك دايمًا ذاكر

اياك تنسى خليك فاكر

إن الموت بيدق الباب

مد بأيديك الله يزيدك

اذكر ربك اشكر سيدك

املئ بحبه تملئ وريدك

خلي الأجر على الوهاب

اخلص حبه وازرع حبة

تحصد ود الناس بمحبة

واجعل ليك في الدنيا أحبه

جوه القبر مفيش احباب

مش ح تخلد وأنت العابر  
شوف الوارد قبل الصادر  
واوعى تحاول يوم وتكابر  
كله يا واد مكتوب فى كتاب  
خليك حامد دايمًا شاكِر  
دايمًا صاحى فكرك حاضر  
خليك صابر هو القادر  
دا رب كريم رؤوف تواب  
هو الناهى وهو الأمر  
مهما تهاجر مهما تسافر  
أو ح تحاول مرة تعافر  
برضه هترجع تبقى تراب  
اوعى تكون ناسى وغافل.  
دخول الجنة مش بالساهل  
بس يا واد دى تستاهل

انك تجرى تدق الباب

اوعى تجور على حق التانى

أو تبقى فالحظة ظالم جانى

دا انت فانى وابوك فانى

واتقى شر أى عذاب

## أفكر أمك

ان ضليت فى يوم الطريق

أو حسيت بلحظة ضيق

والا احتجت فى مرة رفيق

حضن مين راح يضمك

لما دموعك تنزل سيل

ولما تسهر طول الليل

وتشوف فيه عذاب أو ويل

ويزيد عليك ياواد

ولا يهملك افتكر أمك

لما تسيب فى بوم الوطن

وتشوف فى يوم المحن

ويعدى بيك الزمن

ابقى افتكر أمك

## راجع نفسك

راجع نفسك حكم عقلك  
بص في نفسك وشوف تطلع مين  
ومهما تكون وجيه في الدنيا  
أوسلطان م السلاطين  
ومعاك مال بالملايين  
اصلك عبد مخلوق من طين  
خلفك مولى بصير وعليم  
أنت تراب اصله تراب  
مخلوط ماء لزج ومهين  
لما اتخلطو صبحم نطفه  
جوه قرار امين مكين  
وبعدها علقه ثم مضغه

ولسة فى مرحلة التكوين  
بعد المضغة صرت عظام  
حتة لحم ذى العجين  
اتكونت فى بطن الأم  
شهور بتتكون وتبقى جنين  
تنغذا غذاها حب ودم  
رابطك بيها شوق وحنين  
ويجى معادك تطلع طفل  
جميل ويديع لسه رضيع  
ترضع منها سنتين كاملين  
وتعدى سنين تسب وتكبر  
تنسى وتغسى وتتكبر  
وننسى اصل انت فىن  
تكبر وتشيب وتعدى سنين  
ولما تيجى ساعتك يكمل رزمك  
ينتهى عرك ويفضل عملك  
يرافق فى غيرك ويبقى انيس  
وتبقى تراب تحت تراب

ينسك الأحاب بالأصحاب  
ح يحوشوا عنك حساب  
لحد ما تعود يوم الدين  
يعنى رحلة يدوب نفسين  
مهما تطول وتعدى سنين  
نفسى داخل ونفس خارج  
وانت بتجرى شمال ويمين  
واديك غافل م الغافين  
انت نبض وحته قلب  
خليه ابيض نقى وسليم  
اوعى تنسى انت مين  
لحم ودم اصحى يا عم  
دا انت حياتك رهن اشارة  
بتطلع للمخ بأمر الله  
ولا تعصاه ليه بتعصاه  
وانت ليك مولى سواه  
نفسى داخل ونفس خارج  
أو مارجعش أو الدم للمخ ما راحش  
ح تحرك ايدك

او تمشى برجلك  
واية حال بصرك  
ح تسمع ودنك ولا ينطق ساعتها لسانك  
اتقى ربك دول عليك شاهدين  
انت اكيد ميت ميت  
ولو بعد حين  
ليك ساعة عيشها فى طاعة  
واكسر نفسك لو طماعه  
صح صح فوق وبص لفوت  
اوعى شيطانك لحظة يصيدك  
واملى بحبه تملى وربك  
واشكر فضله لجل يزيدك  
قول له اهدينا واحنا عبيدك  
واتقى يوم ح ترجع ليه  
واوعى تنسى انك مخلوق من طين

## أرزاق – اقدار

كلها ارزاق كلها اقدار  
قدرها اللى خلقها بمقدار  
هو لوحدة صاحب الأمر  
وبايده لوحده أى قرار  
يغلى سولار يغلى دولار  
أو اسعار ح تولع نار  
أو ح تشوف فى الدنيا السعد  
أو ح تشوف فيها مرار  
مالناش دعوة مش بتاعتنا  
ومالناش فيها اى خيار  
كلها ارزاق كلها أقدار  
لا تقولى حاكم ولا محكوم  
يملك حتى لنفسه قرار

مش ح يحوش عنك رزق  
ولا ح يغير أى مسار  
ولا راح يسلب منك روحك  
ولا ح يغير فى الأعمار  
كلها أرزاق كلها اقدار  
قدرها اللي خلقها بمقدار  
مش يمكن باعث انذار  
لعباد فاسدة او فجار  
ولا يكون له حكمه فى امره  
ما هو العالم بالاسرار  
والا يشوف مين راح يصبر  
ويكون راضى بالأقدار  
عاوز يعرف مين انصاره  
ومين همّ الأخيار  
مين فى الجنة ومين فى النار

كلها ارزاق كلها أقدار  
قدرها اللى خلقها بمقدار  
قادر يبعث ريح صرصار  
أو فيضان أو اعصار  
قادر يبعث بركان زلزال  
ويبدل أمه غير الأمه  
ويأيدده يغير أى مسار  
اما ان عبده رجع له وتاب  
راح يفتح له م السما باب  
يرزق حديد ملهوش حساب  
وبركات من غير اسباب  
جنود ما بتعصى له امر  
أما ان عبده زاد وأصر  
ح يزيدده م الحنظل مر  
وتبقى حياته مرار فى مرار

أما أن كان عنده صبر  
و حمد وشكر و حبه ذكر  
ح يحلى له طعم المر  
و يبعث ليه حاجة نسر  
و تبقى يدوب قرصة و دن  
ازى ح استغنى  
و أنت الأغنى  
يا مقدر كل المقدور  
عالم اية يخفى فى أرضك  
و المتخبي تحت صخور  
و عالم ايه فى السما متداوى  
من جنات مليانه قصور  
أرزقى يا ربى نظرة لوجهك  
فيها اتملى واشوق النور  
دايما راضى بأيه متقدر

طمعان أكثر فى احلى عبور  
جايلك تايب ارحم ضعفى  
ورجعنى إليك مجبور  
دايما فاكرك وباعيش على ذكرك  
وما شهدتش مره زرو  
أنا ما عبدتش مولى غيرك  
لا صابنى الكبر ولا عندى غرور  
أنت فى ايدك كل الأمر  
اهدى قلبى ومدة بنور  
جريت نعيم الدنيا لهانى  
وراجع تانى وأنت غفور  
أنت الأعلم ايه جوايا  
وعارف كونك أزاى بيدور  
اعفى يا رب عنى وسامح  
واغفر ليا أى قصور

أنا مش محتاج لنعيم ف الدنيا  
لا مال ولا جاه ولا حتى قصور  
أنا محتاج لنظرة لوجك  
فيها اتملى وأشوف النور  
أنت سامع يا رب ندايا  
وما فيش بينا سد أو سور  
أوعى تخاف على رزقك يوم  
أو انك ح تبات مظلوم  
واعرف أن الحال دا محال  
ما بيفضلشى ف يوم على نفس الحال  
دى الدنيا بحالها زوال فى زوال  
ولا حال على حال بيدوم  
بعد عجاف بيسوق امطار  
كلها ارواق كلها أقدار  
قدرها اللي خلقها بمقدار

ياما قبلنا كان فيه خلق  
كانو اشر بسلطة وجاه  
اسأل ورحك راحم فين  
فرعون وقارون غرقم فالبحر  
وعاد وثمود لما ساقوا على الخلق  
الكبر شافوا الدمار وشوف ايه صار  
كلها ارزاق كلها اقدار  
قدرها اللى خلقها بمقدار  
من غير سابق انذار  
فين فرعون وعاد وثمود

## الطيبة

عامل الناس بطيبة قلبك  
أوعى ف يوم تستنى الرد  
والل بيزرع يا صحبى محبة  
دايما يحصد ريحة الورد  
واللى بيكرم خلق الله  
كرم المولى ملهوش حد  
أنت مش أكرم منه يا صاحبى  
بالفضل تملى سريع الرد  
وان كان قصدك وجه الله  
يبقى يا صاحبى احسن قصد  
ارفع ايدك واطلب منه  
هوه لوحده عنده المد

رب كريم رؤوف وحليم  
وما فيش بينا وبينه سد  
نعمة كثير مالهاش حصر  
مالهاش حصر ولا تتعد  
قدم خيرك اسعد غيرك  
تلقى جزاءك يد بيد  
اللى يحب ما يعرف يكره  
واللى يبني مالوش فى الهد  
عامل الناس بطيبة قلبك  
أوعى فى يوم تستنى الرد  
خليك شاطر اجبر خاطر  
مهما تخاطر تلقى السعد  
الإحسان جزاه الإحسان  
وعمر المولى ما يخلف وعد

## احسبها

احسبها ذى ما تحسبها

ذى ما هية وح تسيبها

سيبها على اللى مرتبها

خالقها وعارف مناسبها

ارزاق وحده وحاسبها

اعمار وهو اللى كاتبها

وعباد هو اللى خالقها

عارف ايه يناسبها

واحسبها ذى ما تحسبها

ذى ما هيه وح تسيبها

احسبها بالطول وبالعرض

تلاقيها بتحصل بعض

لما تشد آخر شد

تلقى ربك بيسويها  
وان اتبقى شئ فى اليد  
ألف باب يفتح ليها  
واحسيها ذى ما تحسيها  
ذى ما هي وح تسيبها  
الأيام الصعبة اطويها  
وانسى الدنيا بكل ما فيها  
اوعى تسلم نفسك ليها  
وما تشغلش فكرك بيها  
مش بتدوم يوم على حال  
ولا بتفضل على حال  
ولا بيدوم جاه أو مال  
والدنيا زوال فى زوال  
وان فكرت تعيد ترتيبها  
يبقى بايدك راح تخربها

واحسبها ذى ما تحسبها  
ذى ما هيه وح تسيبها  
جيت للدنيا لفوك لفة  
وعملوا هيصه وزيطة وزفة  
ولما تموت ح تسيب الدفة  
ويلفوك تانى ف لفة  
وتعيش عمرك تايه فيها  
وشوف ح تلف كام لفة  
مش ح تسيب فى محاسيبها  
واحسبها ذى ما تحسبها  
ذى ما هيه وح تسيبها  
مش راح يفضل إلا عملك  
اللى بيه بنطب الكفة

## خليك واحد م الأعيان

خليك واحد م الأعيان  
قرب خد لك كام فدان  
الفاكهة فيها أشكال واللوان  
وقصر كبير بالمجان  
فيه بستان مزروع رمان  
قريب جداً م الريان  
جنب حبيك العدنان  
اخلىص حبه فى رمضان  
زود اجرىك بالإحسان  
نهاره صيام وليله قيام  
حب قلبك للقرآن  
شهر مسلسل كل شيطان

عمر قلبك فيه بالتقوى

خليك أقوى بنور وإيمان

خليه بحب الله عمران

ذد أجرك بحبه صبر

وقرب من باب الريان

امل وريدك حب ورد

ثقل ثقل فى الأوزان

احسن اجرک فى رمضان

ارجع ثوب م العصيان

يمكن تكسب ليله القدر

وننول نظره م الرحمن

أوعى تنسى صلاة الفجر

كشر فيها كثير من الذكر

حبه حمد وحبه شكر

دول بيعلو كثير م الأجر

ليلة القدر بقدر وقدر

شهر الرحمة والغفران

خليك واحدم الأعيان

قرب خدلك كام فدان

## الحب

الحب يعنى اهتمام  
ويكون ما بينا احترام  
مش ناس تلغو ص ف البرام  
الحب يا ناس مش كلام  
دى تبقى عيشه والسلام  
الحب يعنى ضئ شمعاه  
نور لنيا الظلام  
الحب يعنى ايد تطبط  
حتى فى عز الخصام  
الحب يعنى يا خلق رحمة  
والأسف طبع الكرام  
الحب فيه صدق المشاعر

احساس حقيقى بالغرام  
أما ان كان ع الكذب مبني  
دا يبقى اسمه انفصام  
الحب مش بالمحاكم  
ولا يحكم عليه احكام  
الحب شى فى القلب ساكن  
نبضة صاحى ع الدوام  
الحب يعنى خد بايدى  
اخطفنى من وسط الزحام  
الحب تشتري خاطر  
وجرحه بيعلم علام  
أن قل يوم الإهتمام  
أو قل يوم الإحترام  
يبقى ع الديننا السلام  
ياما قلوب انكسرت

اصبحت ركان حطام

قبل الحب الإحترام

قبل الحب الإهتمام

الحب ايد تسلم

وضحكة حلوه وابتسام

## ابتلاء

اللى ابتلاه ربنا يدور على الاسباب  
لما بينزل بلا يبقى اكيد دا عقاب  
او يكون ربنا ح يجازيك بثواب  
ارجع الية يا ولا ودق ع الباب  
امر ربك نافذ ولو عملت حجاب  
ودنيا فيها العجب واحنا ضيوف اغراب  
لا ارتاح فيها عجوز ولا حتى وهو شاب  
لما بينزل بلا لا بد ليه أسباب  
بذنب او معصيه تتففل الأبواب  
يسلط عليك الهوا تتنفس تكح تراب  
يسلط عليك الألم يطرح ف القلوب لبلاب  
ودموع تنزف ندم دم كسات عناب

يطرح جواك الم ويطلع ليه انياب  
ويبقى امرة اتحسم والدنيا تبقى خراب  
مش ح تخطى غير بامرہ والا سراب  
ويلف جسمك الم من كافة الأجناب  
روح لشيخ مغربى يعملك الف حجاب  
مش ح يرفع عنك مهما تدق الباب  
إلا أن قلبك ندم ورجع اليه وتاب  
اما ان صبرت يا ولا راح يرزقك بثواب  
والخير ح يسيبة لكم ليوم ف اخره حساب  
ارجع له يا مبتلى واقصد التواب  
ارفع ايدك واقصده يفتح لك الأبواب  
واتقى يا واد ربنا وخذ بالأسباب  
واجرى على لقمتهك جنبه ذى كباب

وارضى بقسمتك كله انكتب فى كتاب  
واوعى ف يوم تعترض وتتوجه إليه بعتاب  
لا ما لحظة ربك غفل أو عن عباده غاب  
موجود فى كل وجود ولا بينا وبينه حجاب  
وأوعى تنس با ولا أنك ح تبقى تراب

## نهاية المشوار

اعمل حساب للزمن ونهاية المشوار  
مفیش هناك شمس وقمر ولا لیل وبعده نهار  
بیوقف هناك الزمن وبتتوقف الاخبار  
مکتوب علينا قدر مفیش منه فرار  
ع تحصد اللى زرعتہ واللى عدی وصار  
الموت بیجی فجأ وما بیسبقهوش انذار  
اعمل حسابك لساعة ملکش فیها خيار  
مش محتاج للذهب ولا حتی یوم لدينار  
العملة هناك بالعمل لا بین ولا بدولار  
اعمل حساب للزمن مش ح یقبل الاعذار  
ادفع یا واد بالحسنی واتادب ف کل حوار  
اعمل حساب کلمتك واتقی شر النار  
أوعی تعدی حدودك وتعلی فوق أسوار  
أو تعمل المعصیه وتنبش الأسرار

وتنسى يوم الجمع مفيش هناك اعدار  
واختار يا واد صحبتك وابعد عن الأشرار  
اعمل حساب للخلق واحسن كثير للجار  
وصى عليه النبي حبيبنا المختار  
وقالوا و ح يورثه مع انه سابع جار  
اعدل ولا تظلم الظلم آخره مرار  
يغضب عليك ربنا بانتقام جبار  
اوعى تخون العهد أو تكون ف يوم غدار  
وتملى قول الحق الحق له انوار  
الصدق هو الذى ينجى والكذب اخره نار  
اياك تظلم اخوك افتكر امك وابوك  
قبل ما يمشوا ياواد مش وصوك  
لا فى يوم نسيوه ولا ف يوم نسيوك  
ليه تنساهم خليها سهلة مش مستهله خلاف ونقار  
لسة عندك فرصه واولا الحق بقى اختار  
حتجرى بيك الزمن وتفارق  
فى يوم الدار

حاول تفكر فى حالك وحدود ولا تحتار  
قدامك يا صاحبي جنه وقدامك كمان النار  
حدد يا صاحبي مسارك جنه ولا نار  
النهاردة الأمر فى ايدك وبكره مالکش خيار  
يا رب احسن ختامى اجعل لى فى الجنة دار  
واجعلنى راضى بأمرک وراضى بالأقذار

## الحكاية

انت الا علم بالنوايا عارف كل الحكايه  
وعارف ايه جوايا من البداية للنهاية  
انت الأعلم بالأسرار وعارف كل الخفايا  
جای بخاطرى بدق بابك  
جای بخطى على اعتابك  
خدنى يا ربى فى رحابك  
حسن لقاك هوه منايا  
انت وكيلى والمنيب  
وساعة فاقرب الحبيب  
نشفى الجراح وتطيب  
انت المسميع وانت المجيب  
وانت اللى سامع مع ندايا  
امرك بين الكاف والنون  
يعنيكن لابد يكون  
رب كريم رؤوف وحنون

مش راح ترضى يا رب أذايا  
ما تسيبنى فى لحظة شيطانى  
يسقط يوم ليا الرايا  
روحي هايمه فى محيتك  
يا ربي شايف مسكنك  
وطمعان فى رحمتك  
حامد وشاكر نعمتك  
اعفر ليك اى خطايا  
نفسى رضاك وحسن لقاك  
ونظره لوجهك هى منايا  
انت الأعلم ايه جوايا  
عارف ايه فى القلوب والنوايا  
وادى نهاية الحكاية

## نفسى فى طربة

عرف يا صاحبي نفسى فى ايه

نفسى اسجد ل وافضفضله

واشكر نعمه واشكر فضله

واقول له انا راضى بحكمه وعدله

انا ح اشكى له واروح وابكى له

وكل بيه اقول له عليه

وراح ابكى ل واقول عن حالى

انت العالم يا رب بحالى واللى جوالى

واقول له يارب بدل حالى

واطلب منه والى عليه

نفسه اسجد له وافضفضله

واحكى وابوح

واقول له وبكل وضوح  
نفسى فى طربه برحه وشرق  
هواها بحرى يرد الروح  
وتكون هادية يا رب ونادية ما فهاش بوح  
ويكون فيها انيس وونيس  
يلازمنى منين ما أروح  
وملايكة كرام عندها رحمة  
عندها صبر وعندها لين  
قلبها طيب ووش صبوح  
بس انا خايف م اللى عملته  
وانا مس عارف فين راح اروح  
انا ح اسجد له وافضفضله  
واطلب منه يغفر لينا  
وتبقى الرحمة ؟؟ عدله  
ح اقول له اغفر لى ذنوبى

واستر ليا يا رب عيوبى

واقول له بحبك وان حبى ومحبوبة

اقبل توبتى ارحم ضعفى

جائ لك نادم وانت العالم

احسن ليا يا رب ختامى

## سبب الملك للمالك

ما تسبب الملك والمالك  
ولا ناوى فى امره تشارك  
خليك دوغرى تملى وسالك  
ح يدبر لك دروب ومسالك  
من غير حتى ما يوم تتعارك  
يعنى نصيبك مكتوب مكتوب  
والمولى حر فى شئونه  
سبب يا سيدى يدبر كونه  
ارفع ايدك اطلب عونيه  
وما ترميش روحك فى مهالك  
لا انت عاطى ولا انت رازق  
اعرف قدرك عند الخالق  
واوعى تشرك بيه وتشارك  
تشغل بالك باحوال غيرك  
بص فى نفسك ح تلقى خيرك  
احمد ربك وصحى ضميرك  
وقول له يا رب بشكر فضلك  
وجاى اسجد لك واقولك بارك  
سبب الملك يا سيدى للمالك

## يوم عيد الفطر

احمد ربك على اسلامك  
وافرح بقيامك وصيامك  
والإحسان علا مقامك  
والقرآن شاهد وشهيد  
كسبت الجائزة فى رمضان  
وبقيت واحد م الأعيان  
لم الأهل والخلان  
وافرح واتهنى فى العيد  
الخاطر اصبح مجبور  
والذنب أه اصبح مغفور  
والقلب خلاص شاف النور  
والجنة ما بقتش بعيد  
احلى من الفرح مفيش

من حقك تفرح وتعيش  
افطر كحك على قراقيش  
البس ثوب حلو جديد  
وانزل صلى صلاة العيد  
وارجع ووزع العيديه  
على اولادك وعلى احفادك  
كل سنة وانت طيب  
عيش سعيد  
عيش سعيد

## أول عمرة

شوفت منام خير ما رأيت  
شوفت ملايكة بتطوف البيت  
بيشاوروا عليّ وبينادوا عليّ  
قولت يا ريت ازور البيت  
قمت اتوضيت وليه صليت  
ودعيت واتمنيت  
وسمعت نداه وطلبت رضاه  
وحسن لقا بهدى بهداه  
ما انا ما ليش مولى سواه  
قاللى تعالى زور البيت  
قولت يا ري تدا انا حنيت  
وطالبا كثير يا رب البيت  
انا مشتاق وبعينى بكيت  
سبحانه كريم سمع لندايا  
وبعد يا ريت حقق لى منايا  
ودعانى عليه وانا لبيت  
قدمت قوام ونويت

وسافرت لمكة احسن بيت  
ودخلت من باب السلام  
وعرفت يعنى ايه غرام  
ضاع منى الكلام  
كل الكلام  
يا سلام .. يا سلام  
كبرت وليت  
ليك اللهم ليك  
الله اكبر .. الله اكبر  
لما رأيت هيئة البيت  
وقفت دعيت وبعينى بكيت  
بد البيت يا رب مهابه  
وزيد تشريفه تشريف  
والقلب نضيف  
طاهر وعفيف  
طاير طير تجاه البيت  
البيت وسعيت  
وطوقت كمان حوالين البيت  
بدأت من عند الحجر وجريف

ع الملتزم ودعيت  
سبع أشواط بدعي واطوف  
والناس قدامى صفوف وضيوف  
رب كريم عنده ضيوف  
ف حجر ابراهيم صليت  
وقربت يا ايها الكافرون  
وجربت على الصفا روح ووجيت  
م الصفا للمروه سعيت وسعيت  
وبعد ما انتهيت قصيف  
وم الأحرام اتحليت  
وحدت المولى رب البيت  
ارجع له تانى واترجيت  
جسمى اتزلزل واترجيت  
ووقفت دعيت  
با رب الكون اغفر ذنوبى  
واستر لى عيوبى  
اهدى يا نفسى اهدى وتوبى  
ما خلاص انا شوفت محبوبى  
صدق وحقق لى المطلوب

يا رب اكتب لى احلى قبول  
ادعى معايا يا رب تنول  
وجانتى اشارة واحلى امارة  
شوفت اللجنة بتنادى على  
وفاتحة بيان عددها ثمانية  
شوفت انا سعدى ومكتوبى  
ربى حنين غفر لى ذنوبى  
هو وكيلى وكمان محسوبى  
ورعيت المولى رب البيت  
يكتبها لكل مشتقا  
اصل العمرة دى ارزاق  
انا بعد ما رثيت زورت البيت  
لما دعانى إليه لبيت  
وخذت رحالى وكمان ترحالى  
ما أنا رايح ازور رسول الله  
وحييت الله وعندى شوق  
اشوف الروضة  
من قبل ما ادخل مدينته  
شوفت نور بهاه

وربحه العطر حالة  
ببركة دعاه  
والقلب مشتاق للحظة لقاہ  
ونفسي اصلي في روضته  
وامسك الشباك  
واشوف نور هلتك  
والصحابة معاك  
ابو بكر وسيدنا عمر  
اتجمعوا وياك  
حسيت بالخشوع والأدب  
في حضرة جنابك  
وسكينه وطمأنينه عند  
اعتابك  
وعيونى اتمتعت  
بلمة احبابك  
من كل جنس ولون  
بيدقوا على بابك  
يتمنوا شفاعة حضرتك  
ويتهنوا بصحابك

يتمنوا يعيشوا العمر  
في الروضة ورحابك  
دا من قبل ما ادخل مدينتك  
هلى على طيابك  
ويتمنى يا مصطفى اسعد بلباقك  
ومنايا يا ربنا رضاك  
انول فى لحظة  
ونظره من وجهك وفيه اتملى  
يا رب مالى وسيلة ولا عندى  
أى حيله إلا شفاعة الشريف  
حبيبي وحبیب ربنا جد الحسن والحسين  
وفرت دمه منى ما عرفش  
جاية منين  
قولت يا دمعتى جودى  
وعطرى خدودى  
انا جيت لمحبوبى  
يا نفس توبى - عودى  
راجع اليك وبتوب  
عشمتى فى رحمتك

وحملى تل ذنوب  
وفى قلبى محبتك  
راضى يا رب بعدلك  
وشاكر نعمتك  
بارك لى فى عمرتى واجعلها مقبولة  
واجعلنى توبة نصوحة  
والنفس مغسوله  
ردنى رد جميل دى  
ايدى مغلولة  
عزنى يا رب بعزك  
دى النفس مزلولة  
وفى روضة المصطفى انا  
شوفت كل الصفا  
والقلب متهنى  
وتل الهموم اختفى  
وربى طمنى  
دعيت فى يوم ربنا  
وعده ما خزلنى  
ابعدنى عن المعصية

واجعلنى فى طاعة  
بحنى وقدرتى  
ورجعت م الرحلة سعيد  
كأنى اتولدت جديد  
وطلبت منه مزيد  
وخلينى فى رحابك  
ارزقنى توبه نصوحه وافتح لى ابواب  
قربنى تملى اليك وهى لى اسبابك  
ويحق جاه النبى اعز أحبابك

## مش محتاج

مش محتاج لنعيم فى الدنيا  
لا مال ولا جاه ولا حتى قصور  
مش محتاج غير نظره لوجهك  
فيها تملى واشوف النور  
وابقى رفيق لنبينا محمد  
فى الجنة اتهنى ببنات الحور  
خدنى اليك يسر لى السكة  
وخلى ختامى هنا وسرور  
انت الأعلم وانت الأكرم  
وانت الكاشف للمستور  
وحد ربي استر ذنبى  
دا انت كريم رؤوف وغفور  
طهر قلبى ثبت قدمى  
واكتب ليا احلى مرور  
منايا رضاك وحسن لقاك  
اغفر ليا أى قصور

## كلام فى سطور

بقالى ايام وليالى وشهور  
عندى احساس جميل وشعور  
جوايا كلام محتاج لسطور  
قلبي سايقنى وتمللى سابقنى  
إليه بسرور  
والقانى رايح له مش باردتى  
دا انا مأمور  
بحب لقاء والقلب معاه  
بخشوع وحضور  
القانى بغوص واسبح  
فى بحور كلها من نور  
وربى جميل رب كريم  
عليم وغفور  
بیرحب بيا ويحن على  
بخير موفور  
أنا كنت فى عتمة ودنيا  
ضلمة وشففت النور

لقيته معايا فى كل خطايا  
ولا فيش بينى وبينه سور  
والاقي قلبى واخذنى لحدّه  
اطلب وده واطلب وده  
بكل سرور  
نفسى اسجد له وافضفضله  
واشكر نعمه واشكر فضله  
وارضى بحكمة وارضى بعدله  
ليه ما أكونش عبد شكور  
بروح منزلول اطلب عزه  
القي القلب بيه موصول  
وباعت لى رسول  
بيقولى اتمنى قول واتمنى  
انت دعاك اصبح مقبول  
المولى فتح لك باب مقبول  
واحس بانى بعد شقايا  
راجع مجبور  
وملايكة كرام لابسة الاحرام  
ذى اللؤلؤ المتثور

بتطوف حوالیه ومالیه عنیه  
بنور علی نور  
ورزقنی یرزق طیب میسور  
یا رب اکتب لی حسن ختام  
لما بأون ویجینی الدور  
وان عشت أعیش وانت  
معایا ساکن جوایا  
دا انا بیک مستور  
خلیک جینی فرح قلبی  
خلینی دایما فی خشوع وحضور  
خلینی فی رحابک افتح بابک  
اسبابک واکتب لیا  
احلی مرور  
عندی عیوب وکلی ذنوب  
اغفر لی ای قصور  
واجعلنی تملی ذاکر شاکر  
ارزقنی بنور  
اجعلنی تملی راضی بامرک  
وحلیم وصبور

ارزقنى بجنه جنب حبيك  
احن رسول  
ارزقنى شفاعت واشرب من  
ايد وغرامى يطول  
عندى احساس جميل وشعور  
وكلام محتاج لسطور وسطور

## سيدنا النبي

عليك الصلاة واذكى السلام  
حبيبي شفيعى بمسك الختام  
تعالى خد بايدى ف يوم الزحام  
ابدأ بوصفك يا بدر التمام  
ولا بنسبك يا نسل الكرام  
يا طب القلوب وطب الالام  
حبيبي يا غالى يا على المقام  
عليك الصلاة واذكى السلام  
جيت بالرسالة اديت الامانه  
رسالة محبه ودين للسلام  
كنت يتيم صادق امين  
مخلص لربك والناس نيام  
كنت حنين طيب ولين  
اصلحت بين كل الخصام  
عليك الصلاة واذكى السلام  
لما بتيجى سيرتك يحلى الكلام  
اما بوصفك بشوف الغرام

واحس بسكينه وحب وسلام  
حبيبي شفيعى بمسك الختام  
يا خير من صلى وصام  
كانت رسالتك لكل الانام  
هليت بنورك تواري الظلام  
عليك الصلاة واذكى السلام  
ارجع حبيبي يا خير الانام  
الذل كسرنا وملى الجفون  
ونسينا حبيبي احنا مين نكون  
وبقينا على روحنا نهون  
اتكالب علينا امم الظلام  
هرمنا ضعفنا بقينا حطام  
عليك الصلاة واذكى السلام  
اصبحنا شتات ف حال انقسام  
اصابنا الفصام وعم الظلام  
وزاد الفرق وزاد الخصام  
ضاعت بغداد منا وضيعنا الشام  
اصابتنا فتنه صنعه اللاتام  
يمكن دعوه منك تصحى النيام

عليك الصلاة واذكى السلام  
يمكن دعوه منك تصحى النيام  
وتعود المحبه ويعود السلام  
ارجع حبيبي يحيي ع الفلاح  
ارجع الينا وطيب جراح  
دا اللى حبه ربه ابدا لن ينام  
اسرى بيك حبيبيك وكنت الامام  
وبعث بدين لكل الانام  
دين كله رحمه ومحبه وسلام  
هليت بنور توارى الظلام  
ارسله ربك احسن علام  
صنت لسانك وعشت ف امان  
سامحت وعفيت عن اللى اذاك  
حتى اللائم  
قولت يمكن ف احلامهم كرام  
يعلوا دينك يعلى المقام  
كنت العفيف وسط الكرام  
وملى ضياك كل الزمان  
عليك الصلاة واذكى السلام

## حق الشهيد

وحياة ربنا المجيد  
ح نجيب حق الشهيد  
وانت لو مش بليد  
كنت تواجهه وش لوش  
انت اصلا ندل وجبان  
وخسيس مالك امان  
يا قاتل ساعة الادان  
اسلامك دا كله غش  
هوه ف الجنة سعيد  
وانت ف جهنم اكيد  
والنهارده احلى عيد  
مهما تخبط او توش  
مش ح نركع يوم يا خاين  
يا عميل والفعل باين  
الوحوش ثابتته ف كماين  
وح يحشوا فيكوا حش

لو رصاصك صاب عنيك  
او منك كثير عانينا  
مش ح تهز ثقتنا فينا  
ولا تهدد لنا عش  
انت اصلا ندل وخسيس  
مش ح تموت غير فطيس  
ثمن الخاين رخيص  
مش ح نخاف او نكش  
مش ح توقف يوم سفينه  
مهما ترعب ف المدينة  
مش ح تهز ثقتنا فينا  
انت ما تسوى م العملة قرش  
ح تعدى بيها وتعدى بينا  
ح ترسى ف احلى مينا  
دى جامعه فينا محمد ومينا  
افهم بقى يا ابو وش يغش

من يتصبر صبره بالله  
ومن استعان به كفاه  
ومن طلب الغنى غناه  
ومن طلب الرضا رضاه  
ومن طلب الهدى هداه  
وسبقه ف كل خطاه  
وان احبه الله وفاه  
ومن كل داء شفاه  
ومن كل شر عفاه  
ورزقه من فوق سماه  
فالقرب منه نجاه  
فمن ابتغاه ابتغاه  
انعم عليه ف الحياة  
واكرمه فى مثواه  
ومن كل شيطان حماه  
كان فى برده غطاه  
وفى الحر ظله وهداه  
خليك معاه والزم تقاه  
فليس لنا مولى سواه  
من بعد عنه تاه

## استاذنا الجليل

ان ربك رزقك بعلم  
ما تمنعوش عن ناس  
وخلى عندك حلم  
واكتبه ف كراس  
بكره راح ينفعك  
ان وصل للناس  
ويعلى مقام حضرتك  
وتبقى فوق الراس  
دا العلم ح يزيناك  
ويبقى ليك حراس  
حراس راح تحرسك  
من شيطان وسواس  
اما ان حجبته فالهية  
راح تنداس  
ويوم الحساب يخنقك  
ويحبس الانفاس  
يا عالم مين علمك  
الرقه والاحساس

وقول لى مين الهمك  
الا رب الناس  
اعمل حساب كلمتك دى  
بتبقى ذى الرصاص  
بتكسر قلب الجدع  
وتجرح الاحساس  
العلم منى وهبه  
ورزق رب الناس  
وانت حارس امين  
اطلب الاخلاص  
انشر علمك بحلمك  
بين كافة الاجناس  
العلم يا استاذ رزق م المولى  
وانت من غيره لا قوه ولا حول لك  
اوعى ف يوم تفتكر  
انت الللى ليك فضل  
او نجحت ف محاوله  
قادر بيدل وقارك

وتبقى واد هلاس  
او يسلب علمه منك  
وتعلن الافلاس  
وتقف على منبرك راسي  
كانش ح يفكرك تتوه  
تايه شريد محتاس وقادر ف يوم يحرسك  
ويضحك عليك الناس

١

## إحنا الكبار

إحنا الكبار إحنا أصحاب القرار

مايهمناش لعب الصغار

مش بالدولار ولا بالسولار

ولا بالقنابل والدمار

إقطع معونة اعمل حصار

خدنا خلاع الانتظار

نصبر سنه نصبر سنين

ويحلى لنا طعم المرار

إحنا الكبار

إحنا بنشقى لجل قوتنا

بنقولها وبعلو صوتنا

مايهمناش لو حتى موتنا

وقت الجد ما فيش هزار

إحنا الكبار

إحنا بنزرع فى الصحارى

عشان بنعشق الخضار

إحنا بنعرف بس نبني

عشان بنعشق العمار  
شعبنا بطبعه مءمن  
بينه وبين ربه عمار  
إحنا الكبار  
شعب دائماً راضى بنصيبه  
والمولى وكيله حسيبه  
شعب واحد وربّه واحد  
هلاله دائماً جنب صليبه  
ف ثورته نشوف لهيبه  
وقت غضبه يبقى نار  
إحنا الكبار  
جيشنل رابض ع الحدود  
فيه نسور وفيه أسود  
مايهمناش صوت البارود  
ولا أى شىء ف الوجود  
وصى عليهم نبينا  
ف المعارك نور ونار  
إحنا الكبار  
من شرقنا ح تلاقينا

ومن غربنا ح تلاقينا  
من أسوان لحد سيننا  
ح ندوقك طعم المرار  
ما بنركعش لغيره وحده  
ولا تقبل يوم إنكسار  
إحنا الكبار إحنا أصحاب القرار  
نقدر نغير ف المسار  
ما يهمناش لعب الصغار

## أم محمد

والدة صاحب الشهيد

محمد كان ليا صاحب      دفعتي وكان لي صديق  
كان قريبي وكان حبيبي      وكان أكثر م الشقيق  
كان لصاحبه واحه براح      إن شافه يوم ف وقت ضيق  
كنت لما أشكى له همي      كان دليلى ف الطريق  
كان يسمع لي باهتمام      كان همام وبيننا إحترام  
ماكانش يبخل بالنصيحة      وكان ليا أحسن رفيق  
رغم أنه قلبه طيب      بس كان قلبه حديد  
وكان بيحب مصر جداً      كان قراراه دائماً جرىء  
محمد كان حابب حياته      بس ربك له إرادة  
مين شاركه ف إختياره      لما إختار له الشهاده  
فرش سجاداته وصلّى      وعلى صوابع إيدّه سبح  
محمد مخلص ف العباده      لأ وكان له أحلى عاده  
قبل ما يخطى خطوه      ينطق لسانه بالشهاده  
لبس الشدة وحزامه      وربط رباط البياده  
قاللى رايح مأمورية      يمكن أنول الشهاده

الشهادة دى منايا أعلى درجات العباده  
كان حنين طيب ولين ويموت دائماً ف الهزار  
محمد راح وسابنى سابنى ف بحر النهار  
محمد وصانى وصيه قاللى أعوى تسيب لى تار  
وظلع من جيبه جواب عشان حبيبه إنتصار  
بعد حبه الساعة ستة بعث لى العميد شريف  
وقاللى ياد مانتش ضعيف إتهزيت من جوايا حبه  
قاللى إثبت يا تعريف دمعت عينه أتاريه ضعيف  
قولت له خير يا فندم قال لى مات الوليف  
صرخت وقولت له محمد ألطف بيا يا لطيف  
فرت دموعى من عينه أتارينى أضعف ضعيف  
قال لى محمد نال الشهاده المولى إختاره يكون شهيد  
وعشان أنت الوحيد اللى كنت ليه وليف  
جالى لك أمر م القيادة وأمر القائد تكليف  
وقفت وفكرت حبه قال لى عشان قلبك نضيف  
إستلم جثة حبيبك كللى فكرى اللى دار ف راسى  
إذاي ح روح وأقابل أمه وأطل ف عيون أبوه  
فكرت أطل عليه بطله وأخده ف حضنى واضمه  
حضنته وكللى ألم ساعة ولفوه فى العلم

بس الأمر إتحسم وراح صوتى وإنكتم  
حبست دمعى جوه عینى وجانى أمر بالتحرك  
ورجلى مش شايله جسمى قلت أثبت خليك جمل  
إثبت ياواد ذى الهرم رحت وقابلت أمه  
بس كانت أقوى منى كانت عند حسن ظنى  
وهيه بتططب عليا وأبوه كمان حاضنى  
قالت يابنى الفرخ جانى قالت لى ياروحى وعينيه  
دى الليلة دى أحلى عيد محمد أصبح أحلى شهيد  
كان طالبها من زمان من أيام ماكان وليد  
بلو يابنات الشربات زفوا محمد بالزغاريد  
محمد عريس ف الجنة محمد بيكم سعيد  
محمد حبيبي النهارده إتولد من جديد  
قولت لها وحياء ربي المجيد وحياء أبويا عبدالحميد  
لجيب حق النهارده عشان ينام هوه سعيد  
محمد فدى مصر ياولدى وفداها مليون شهيد

## بحبك حب

بحبك حب يابنت الإيه  
حب حاسدنى الخلق عليه  
وقلبى شددنى تملى اليه  
وإن سألوني بحبك ليه  
ماألقاش كلمة بيها أعبر  
بحبك من غير حتى ما أفكر  
ومهما يقولوا بحبك أكثر  
ياللى هواكى مسك وعمبر  
عيشك ملحك ذى السكر  
ومية نيلك شهد مكرر  
رغم إنى فيكى بهافر  
بس اللحم مسبش الضافر  
عمرى ما كنت لفضيلك ناكر  
مهما أتغرب فيكى وأسافر  
عمرى ما كنت لحضنك هاجر

دايماً حامد ربي وشاكر  
رغم إني فيكي بعاني  
وحاجات ياما مش عجباني  
إلا أني بحبك جداً  
ومالكة قلبي وكل كياني  
كل ما أسيبك أرجع تاني  
وألقى حاجات كتير شداني  
فيكي أصحابي وكل أحبائي  
فيكي طفولتي وكل شبابي  
فيكي فرحت وإتجرحت  
وفيكي هنايا وكل عذابي  
رغم إني ماشفتش عطفك  
وشيلاني سنين على رفك  
أول واحد أبقى ف صفك  
أبقى فدائي ف لحظة ضعفك  
يوم ما تنادي عليا ياغالية  
تلقى كنتي يسبق كتفك  
بحبك حب حب العاشق  
كأنه جوه قلبي راشق  
كأنه ستة على وفرض  
دم وعرض وابن وأرض  
أم وأب وشهد النهر

حب يدفى ف عز البرد  
إنت الماضى وإنت الآتى  
إنتى عمرى وكل حياتى  
إنتى ظهري وإنتى سندی  
إنتى قدرى وإنتى ذاتى  
إنتى عايشة جوه جنباتى  
وإنتى سندی وعكازاتى  
نفسى أشوفك قد الدنيا  
مش بتغيبى عنى ثانية  
إنتى الأصل وأم الدنيا  
وحكاياتى ورواياتى  
إنتى فيكى كل صفاتى  
وبحبك حب يابنت الإيه  
عرفتم ليه قلبى شدنى ليه

## حبیبۃ قلبی

حبیبۃ قلبی حدوتہ  
بنیہ صافیۃ وعافیۃ  
شجرۃ نخلہ جنب التوتہ  
ما بین الخضصرہ والمیہ  
وکلامی المکتوب ف التوتہ  
والضی الساکن ف عینیا  
حبیبۃ قلبی دی حکایہ  
فیہا الضحکۃ والبسمۃ  
نبضہا ساکن جوایا  
ہیہ النصیب والقسمۃ  
ہیہ الضلہ ف خطایا  
وجوہ العین احسن رسمہ  
اشوف حسنہا ابتسم  
وفی عشقہا غرام ونعیم  
أشم وردہا اتنسم  
وکأنی ف الجنة مقیم  
فیہا دایما بتعشم

لقيتها ف الوداد تسنيم  
هيه الماضى وهيه الآتى  
فيها ضحكاتى ودمعاتى  
والحاجة الحلوة ف جيناتى  
هيه روحى هيه حياتى  
هيه ذاتى وابتساماتى  
طهرى سندی عكازاتى  
ف عز الصيف هيه النسمة  
فيها الضحكة وفيها البسمة  
هيه نصيبى من الدنيا دى  
هيه القسمة  
جوه عيونى احلى رسمة  
هيه غموسى هيه النعمة  
حتى لما بتقسى عليا  
القى منها ساعات حنية  
شربة ميه ولقمة هنية  
ما احلى هواكى يا بهية  
يا ام النسمة الحلوة ندية  
حبيبة قلبى حدوتة

## ليه يا دنيا

ليه يا دنيا لعبتى بينا  
ليه عملتى البحر طحينة  
كانت لقمة وبتكفيننا  
كانت هدمه وبتغطينا  
كانت كلمه يدوب ترضينا  
كنتى الضحكة العايشة فينا  
ليه الطمع فينا انزرع  
والقناعة ليه بتنقلع  
والانسان مبقاش انسان  
حتى ف روحه بينخدع  
دنيا غرورة وخداعة  
بتوقع اجدع جدع  
وجرينا وراها جرى وحوش  
وأملنا من دنيا نحوش  
وتعبنا روحنا وقلوبنا  
والعقل أهه أصح مرووش  
جريننا وراها شمال ويمين

جرى نهايته يا صاحبي فاشوش  
احنا الظاهر للمظاهر  
بقينا عبيد  
للتلاجه للغسالة للعربية  
اختار لك سيد  
وان محصلش وجبت  
مكيف تلقى حريقة ف بيتكو تقيد  
ارجع تانى واعرف ربك  
ريح قلبك م التناهيد  
هوه العاطى هوه الرازق  
اوعى تقول دا الحظ عنيد  
قوللى ح تاخذ ايه وياك  
بكره القرش دا متلهوش  
مهما ح تجرى ومهما  
ح تشقى غير رزقك يا ابني  
مش ح تحوش  
ومهما تعبي ومهما تخبي

كفنك بكرة ما فيهبش جيوب  
ومهما ح تعلی وتعلی وتعلی  
تحت مداس الناس ح تدوب

قرب ليه إلجأ ليه راح تلاقيه  
رب كريم رؤوف وحنون  
أمره ما بين الكاف والنون  
كل يوم له ف أمره شئون  
رب عظيم مالك الكون  
ارفع ايدك اطلب عون  
إملى بحبك تملى وريدك  
أشكر فضله لجل يزيدك  
وإوعى شيطانك لحظة يصيدك  
مش حاتفوتك حاجة من رزقك  
ومش راح تاخذ الا نصيبك  
خلي المولى يا ابني حبيبك  
وارضى دايم باللى يصيبك  
واذكر ربك طمن قلبك  
واطفى بذكره يا ابني لهيبك  
اوعى تحزن اوعى تغضب  
عمر الحزن ما يوم ح يفيدك  
قرب ليه إلجأ ليه  
واطلب منه لجل يعيدك

## خليها ع الله

طول ما المولى وكيلك  
ودائماً راضى بقلبك  
خليه تملى دليلك  
ح يزريح يا ولدى همك  
وف لحظة راح يشيله  
طمن بالذكر قلبك  
خلى دربك سبيله  
مالك مولى غيره  
ولا شىء ف الكون بديله  
رب حنين ولين  
ولا فى شىء مثيله  
اخش المولى وحده  
واطلب تملى مده  
واشكر نعمه وفضله  
اسجد له وفضفضله  
واشترى بالحب وده  
مين لجأ اليه  
وصده ف يوم ورده

## خدنى فى رحابك

وبصلى الفجر حاضر  
ويقولى أقوله حاضر  
وفكرى تملى حاضر  
وقلبى تملى ذاكر  
دايماً حامد وشاكر  
وعمرى ما كنت ناكر  
فضلك ف يوم يارب  
شايلى ف القلب همى  
مشمر تملى كمى  
كفاية دعا أبويا  
وكفاية رضا أمى  
دايماً راضى بحالى  
ويجرى ما جوالى  
يا عم وأنا مالى  
دا الأمر أمرك يارب  
غنى عن سؤالى  
دايماً القلب قاصدك

ومالى حبك وريدى  
والخير جوه منى  
ومادد تملى ايدى  
مش عاوز غير رضاك  
ومنايا كمان تقاك  
ومالى رب غيرك  
ماليش مولى سواك  
دايماً قلبى معاك  
خدنى فى رحابك  
وافتح لى يارب بابك  
دايماً عامل حسابك  
خايف من يوم عذابك  
نور بهداك طريقى  
واحمينى من عقابك

## تاجر ليه؟!!

وأوعى فى لحظة تتاجر بيه  
ما بتغفلشى فى لحظة عينيه  
مش راح تخسر لو تراضيه  
ارمى حملك كله عليه  
خلى عشمك دائماً فيه  
راح تلاقيه  
رب كريم رؤوف وحنون  
كل يوم له ف أمره شئون  
أمره ما بين الكاف والنون  
يعنى بكن لابد يكون  
أطلب منه كل العون  
أطلب طلبك ولح عليه  
دا أنت عبد ف ايدك ايه  
أمرك كله راجع ليه  
جرب مره وتاجر ليه  
خلى التقوى تسكن قلبك  
احسن سيرك احسن ادبك  
اوعى تخلى الدنيا تغرك

أو تتملك لحظة منك  
ارضى ربك طمن قلبك  
واحلم حلمك واتمسك بيه  
جرب مرة وتاجر ليه  
ارجع ليه من غضبه خاف  
قبل ما تتشال عى الأكتاف  
جوه القبر ما فيش اعدار  
وبعد الحكم بدون استئناف  
اصبر على الأيام المره  
بيجى فرجه بعد عجاف  
ما تخافش على رزقك يوم  
دى الحسنه بعشرة أضعاف  
ما ينقصش المال من صدقه  
والحسنه بتنزل ف أيديه  
جرب مره وتاجر ليه  
راعى المولى صحى ضميرك  
وما تحرمش الناس من خيرك  
مد بايدك اسعد غيرك  
مد بايدك اشكر سيدك

واحسن ادبك واحسن سيرك  
دا اللى زرعته راح تلاقيه  
جرب مره وتاجر ليه  
ان سألک سائل حن عليه  
ما تكسفهوش و ما تنهرهوش  
وطبطب على كتف يتيم  
لوجه الله وملا تقهرهوش  
خلى ايديك بالخير ممدودة  
ودور دايمه ايه يرضيه  
جرب مره وتاجر ليه

## علشان ربك أمر

سحابة ماشية فوق ف السما  
بتسبح ربها يا بختها  
وحده بيدبر أمرها ... بتشد البصر  
وسط السحاب اللي انتشر  
شايلة خيرها ما فى غيرها ... لفتة النظر  
بتشق السما فى ملحمة  
بتجرى فى ضى القمر  
حطت خيرها على ارض  
بور - ارض ناشفة  
وحبة صخور وكام حجر ,,,, ولما ربك أمر  
نزل المطر كثيف وانهمر  
طلع شجر انبت ثمر  
حتى فى بطن الحجر  
بان الخضار - اما الصفار .... راح واندثر  
وكأنها رسالة جاية م السما  
لكل من صابه العمى  
وفقد البصيرة مش البصر  
ومش مؤمن بالقدر  
واللى خالق الكون بقدر  
قادر يحي كل ميت

ويرزق الدودة ف بطن الحجر  
لكن البشر خلق عجول  
مستعجل على رزقه فعاش .. فى كدر  
الرزق جاى بأمر ربك  
ما دام ربك أمر  
هاجر لما سعت على .. رزقها بير انفجر  
تحت رجل ابنها ماء .. وانهمر  
ومريم وهيه نفاس  
هزت النخل نزل رطب  
علشان ربك أمر  
وبعد ساعات م الزمن  
اختفى القمر ورا السحاب ... اللي انتشر  
وبان نور النهار  
الفجر لاح هل الصباح  
وصوت الآذان يلين ..... قلب الحجر  
ولسه البشر هيه البشر  
كافر - بالقضاء والقدر  
يا بخت اللي يرضى بأمر  
ربه ويرضى بالقدر .... وعلى أمره صبر  
أمره نافذ يا بن آدم .... خليك عندك حبة نظر  
وعندك بصيره وحبة بصر

الشاعر فى سطور

أحمد محمد أبو شنب

مواليد 91954/19م

كبير مدربى شركة القاهرة للإنتاج الكهربائى

حاصل على عدة دورات بالمملكة المتحدة فى مجال الأجهزة والتحكم

وحاصل على دورات تدريبية (GTz) , (TIME)

حاصل على دورة (TOT) من كمبردج الانجليزية

له إصدار (المحروسة والغربان ) ديوان شعر

.....

## المحتوى

م	الموضوع	ص
1	إهداء	3
2	أبو شنب وكلام من ذهب	5
3	خليك شاطر	8
4	افتكر امك	11
5	راجع نفسك	12
6	أرزاق - أقدار	16
7	الطيبة	23
8	احسيها	25
9	خليك واحد م الأعيان	28
10	الحب	31
11	ابتلاء	34
12	نهاية المشوار	37
13	الحكاية	40
14	نفسى فى طربة	42
15	سيب الملك للمالك	45
16	يوم عيد الفطر	46

48	أول عمرة	17
56	مش محتاح	18
57	كلام فى سطور	19
61	سيدنا النبى	20
64	حق الشهيد	21
66	أصبر	22
67	أستاذنا الجليل	23
70	احنا كبار	24
73	أم محمد	25
76	بحبك حب	26
76	حبيبة قلبى	27
81	ليه يادنيا	28
84	الرضا	29
85	خليها ع الله	30
86	تاجر ليه؟!	31
91	علشان ربك أمر	32



مع تحيات

دار الحسيني للطباعة والنشر والتوزيع

رئيس مجلس الادارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدير

حسام الدين عبد القادر

الهيئة الاستشارية للدار

الدكتور حسام عقل      الدكتور على جاد الحق

الدكتور لطفي سيد صالح      الدكتور بسيم عبد العظيم

الدكتور رمضان الحضري      الشاعر عادل عبدالموجود